

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 K 253205 25 K
Zenica, 21.04.2025. godine

U IME FEDERACIJE BOSNE I HERCEGOVINE !

Općinski sud u Zenici, sudija Agić Sabrija, kao pojedinac, uz učešće zapisničara Drino Melite, u krivičnom predmetu protiv optuženog S.E., zbog krivičnih djela počinjenih u sticaju i to Neovlaštena proizvodnja i stavljanje u promet opojnih droga“ iz člana 238. stav 1. KZ F BiH i produženo krivično djelo „Nedozvoljeno držanje oružja ili eksplozivnih materija“ iz člana 371. stav 1. KZ F BiH u vezi sa članom 55. KZ BiH, a sve u vezi sa članom 54. KZ F BiH, po optužnici Kantonalnog tužilaštva Zeničko-dobojskog kantona Zenica broj: T04 0 KT 0060941 24 od 02.12.2024 godine, nakon održanog usmenog, glavnog i javnog pretresa, u prisutnosti tužioca Pelja Esada, optuženog S.E. i branitelja Begagić Jasmina, advokat iz Zenice, dana 21.04.2025. godine donio je i javno objavio:

PRESUDU

Optuženi S.E., sin H.i majke M. rođene T., rođen ...godine u Z., gdje je i nastanjen u ulici ..., Zenica, po narodnosti ..., državljanin BiH, pismen, sa završenom SSS, po zanimanju vozač, nezaposlen, bez imovine, izdržavaju ga roditelji, neoženjen, vojsku nije služio, lošeg imovnog stanja, JMBG:, neosuđivan, ne vodi se drugi krivični postupak,

K R I V I J E

Što je,

1. dana 25.10.2024. godine, na području grada Z., u ulici ..., suprotno odredbama člana 4. stav 1, 2, 3 i 5 u vezi sa članom 19. i 20. Zakona o sprečavanju i suzbijanju zloupotrebe opojnih droga BiH, neovlašteno proizvodio i pripremio za prodaju praškastu nn materiju iz osam pvc pakovanja (trag broj 1A i trag broj 4) ukupne neto mase 123,195 grama, 11 paketića vlažne nn materije bruto mase 48,992 grama (trag broj 6) koje sadrže psihotropne supstance amfetamin, paracetamol i kofein, od kojih se amfetamin nalazi u tabeli 2 Popis psihotropnih tvari, zatim biljni materijal iz metalne kutijice (trag broj 3), sa dostavljene vage (trag broj 4) i iz pvc vrećice (trag broj 7), ukupne neto mase 11,205 grama koji sadrži psihoaktivnu supstancu tetrahidrokanabiol (THC) koja predstavlja opojnu drogu Cannabis sativa L koja se nalazi pod rednim brojem 4 iz tabele 3 Popis biljaka iz kojih se može dobiti opojna droga, te tablete dvije roze i jedna siva (trag broj 4), ukupne neto mase 1.203 grama koje, također, sadrže psihotropnu supstancu metilendioksimetamfetamin (MDMA), koja droga je pod rednim brojem 13. liste psihotropnih tvari iz tabele II „Tvari i biljke pod strogom kontrolom“, iako je znao i bio svjestan da je proizvodnja i prodaja opojne droge zabranjena zakonom, što je i htio, a koja droga je istog dana u toku realizacije Naredbe za pretres Općinskog suda u Zenici broj 43 0 K 252433 24 Kpp oduzeta od njega, a o tome mu izdata potvrda o privremenom oduzimanju predmeta broj: 08-02-08/4-272/24 od 25.10.2024. godine,

dakle, neovlašteno proizvodio i pripremio za prodaju opojnu drogu radi stavljanja u promet,

2. dana 25.10.2024. godine na području grada Z., u ulici neovlašteno držao eksplozivnu materiju, ručnu bombu crne boje oznake ROB CT – 91, kompletirana sa upaljačem za ručnu bombu M 75 i eksplozivom, u ispravnom stanju, koja bomba je istog dana u toku realizacije Naredbe za pretres Općinskog suda u Zenici broj 43 0 K 252433 24 Kpp oduzeta od njega, a o tome mu izdata potvrda o privremenom oduzimanju predmeta broj: 08-02-08/4-272/24 od 25.10.2024. godine, iako je znao i bio svjestan da nabavka eksplozivne materije građanima nije dozvoljena, pa i pored toga istu držao, što je i htio,

3. dana 12.11.2024. godine, u Z., u haustoru zgrade, neovlašteno držao eksplozivnu materiju, ručnu bombu crno-bijele boje oznake M 93, bez detonatorske kapsule i bez eksplozivnog punjenja, u tehnički neispravnom stanju, a koja bomba je istog dana pronađena po prijavi I.N.i ista izuzeta od strane OSL PU I Zenica, u sklopu uviđaja, o čemu je sačinjen Zapisnik o uviđaju broj: 08-02-08/4-590/24 od 13.11.2024. godine, iako je znao i bio svjestan da nabavka eksplozivne materije građanima nije dozvoljena, pa i pored toga istu držao, što je i htio,

dakle, neovlašćeno držao eksplozivnu materiju, čija nabavka građanima nije dozvoljena,

čime je pod tačkom 1. počinio krivično djelo „Neovlaštena proizvodnja i stavljanje u promet opojnih droga“ iz člana 238. stav 1. KZ F BiH, a pod tačkom 2. i 3. produženo krivično djelo „Nedozvoljeno držanje oružja ili eksplozivnih materija“ iz člana 371. stav 1. KZ F BiH u vezi sa članom 55. KZ BiH, a sve u vezi sa članom 54. KZ F BiH, pa se na osnovu istih članova i propisa i uz primjenu odredbi člana 49. stav 1. KZ F BiH za krivično djelo „Neovlaštena proizvodnja i stavljanje u promet opojnih droga“ iz člana 238. stav 1. KZ F BiH utvrđuje se kazna zatvora u trajanju od 1 (jedne) godine i 4 (četiri) mjeseca, a za produženo krivično djelo „Nedozvoljeno držanje oružja ili eksplozivnih materija“ iz člana 371. stav 1. KZ F BiH utvrđuje se kazna zatvora u trajanju od 3(tri) mjeseca, te se

O S U D U J E

na jedinstvenu kaznu zatvora u trajanju od 1 (jedne) godine i 6 (šest) mjeseci u koju kaznu se uračunava vrijeme provedeno u pritvoru počev od 13.11.2024. godine od 07,35 sati do 03.12.2024. godine.

U skladu sa članom 202. stav 4. ZKP-a F BiH optuženi S.E. se oslobađa obaveze da Sudu naknadi troškove krivičnog postupka.

U skladu sa članom 78. stav 1. KZ FBiH i člana 238. stav 4. KZ FBiH optuženom S.E.u izriče se mjera sigurnosti oduzimanja opojnih droga i to: praškasta nn materija iz osam pvc pakovanja (trag broj 1A i trag broj 4) ukupne neto mase 123,195 grama, 11 paketića vlažne nn materije bruto mase 48,992 grama (trag broj 6), zatim biljni materijal iz metalne kutijice (trag broj 3), sa dostavljene vage (trag broj 4) i iz pvc vrećice (trag broj 7), ukupne neto mase 11,205 grama koji sadrži psihoaktivnu supstancu tetrahidrokanabiol (THC) koja predstavlja opojnu drogu Cannabis sativa L, te tablete dvije roze i jedna siva (trag broj 4), ukupne neto mase 1.203 grama koje također sadrže psihotropnu supstancu metilendioksimetamfetamin (MDMA), a koje se nalaze deponovane u Tužilaštvu ZDK i naređuje se Komisiji za uništenje opojnih droga, psihotropnih tvari, biljaka iz kojih se može dobiti opojna droga i prekursora pri Vijeću ministara BiH da odmah nakon prijema Naloga za izvršenje mjere sigurnosti a najdalje u roku od mjesec dana preuzme od Kantonalnog tužilaštva u Zenici navedene opojne droge-preostale od vještačenja i iste uništi u skladu sa Pravilnikom o čuvanju i uništenju oduzete opojne droge, psihotropnih tvari, biljaka iz kojih se može dobiti opojna droga i prekursora (Sl. Glasnik BiH br. 28/12).

U skladu sa članom 78. KZ FBiH optuženom S.E.u izriče se mjera sigurnosti oduzimanja predmeta i to: ručne bombe crne boje oznake ROB CT – 91, kompletirana sa upaljačem za ručnu bombu M 75 i eksplozivom i ručne bombe crno-bijele boje oznake M 93, bez detonatorske kapsule i bez eksplozivnog punjenja, koji predmeti su pohranjeni kod Federalne uprave civilne zaštite Sarajevo i nalaže se Federalnoj upravi civilne zaštite Sarajevo da iste odmah uništi nakon prijema naloga za izvršenje mjere sigurnosti..

Obrazloženje

Kantonalno tužilaštvo Zenica je dana 03.12.2024. godine kod ovog Suda podiglo optužnicu, broj: T04 0 KT 0060941 24 od 02.12.2024 godine, protiv optuženog S.E., zbog krivičnih djela počinjenih u sticaju i to Neovlaštena proizvodnja i stavljanje u promet opojnih droga“ iz člana 238. stav 1. KZ F BiH i produženo krivično djelo „Nedozvoljeno držanje oružja ili eksplozivnih materija“ iz člana 371. stav 1. KZ F BiH u vezi sa članom 55. KZ BiH, a sve u vezi sa članom 54. KZ F BiH, bliže opisana u dispozitivu Presude, a koja je potvrđena dana 03.12.2024. godine.

Optuženi S.E., prilikom izjašnjenja o krivnji, na Zapisnik ovog Suda od 12.02.2025. godine, izjasnio se da nije kriv za predmetna krivična djela, a na glavnom pretresu u cijelosti je priznao izvršenje krivičnih djela koja mu se Optužnicom stavljaju na teret, te je izjavio da se kaje i da daje obećanje Sudu da se to više neće ponoviti i da je upoznat sa posljedicama priznanja krivnje.

Tužilac je u dokaznom postupku pročitao i izvršen je uvid u slijedeće dokaze: Zapisnici o saslušanju svjedoka B.A.od 14.11.2024. godine, B.A.od 14.11.2024. godine i I.N.od 13.11.2024. godine, Akt FUP Sarajevo broj: 11-18/2-03-5-2232 od 18.11.2024. godine sa nalazom i mišljenje krim. vještaka za hemijska ispitivanja od 18.11.2024. godine, Akt Uprave policije Zenica broj: 08-02-03/6-03-2-5983-1/24 od 27.11.2024. godine sa vještačenjem eksplozivnih sredstava Nalaz i mišljenje od 27.11.2024. godine, Naredba za vještačenje od 14.11.2024. godine, Naredba za balističko vještačenje od 15.11.2024. godine, Standardizirani policijski izvještaj broj F04-12-24-5971 od 25.10.2024. godine,

Naredba za pretres Općinskog suda u Zenici broj: 43 0 K 252433 24 Kpp od 24.10.2024. godine, Zapisnik o pretresanju kuće, dvorišta i pomoćnih objekata broj: 08-02-08/4-71/24 od 25.10.2024. godine, Potvrda o privremenom oduzimanju predmeta PU I Zenica broj: 08-02-08/4-272/24 od 25.10.2024. godine, Izvještaj o realizaciji naredbe za pretres PU I Zenica broj: 08-02-08/4-03-2-8989-3/24/DD od 25.10.2024. godine, Odobrenje KT ZDK od 30.10.2024. godine, Zapisnik o otvaranju i pregledu privremeno oduzetih predmeta PU I Zenica broj: 08-02-08/4-589/24 od 13.11.2024. godine, Standardizirani policijski izvještaj broj: F04-12-24-6359 od 12.11.2024. godine, Zapisnik o uviđaju PU I Zenica broj: 08-02-08/4-590/24 od 13.11.2024. godine i Izvod iz kaznene evidencije od 13.11.2024. godine, te dodajemo fotodokumentacija PU I Zenica od 26.01.2025. godine uz akt od 04.02.2025. godine i fotodokumentacija od 12.12.2024. godine dostavljena uz akt PU I Zenica od 23.12.2024. godine. Optuženi S.E. i Branilac nisu prigovorili sadržaju i zakonitosti dokaza.

Sud je cijeneći izvedene dokaze i priznanje krivnje optuženog S.E. utvrdio nespornim da je optuženi S.E. dana 25.10.2024. godine, na području grada Zenica, u ulici ...suprotno odredbama člana 4. stav 1, 2, 3 i 5 u vezi sa članom 19. i 20. Zakona o sprečavanju i suzbijanju zloupotrebe opojnih droga BiH, neovlašteno proizvodio i pripremio za prodaju praškastu nn materiju iz osam pvc pakovanja (trag broj 1A i trag broj 4) ukupne neto mase 123,195 grama, 11 paketića vlažne nn materije bruto mase 48,992 grama (trag broj 6) koje sadrže psihotropne supstance amfetamin, paracetamol i kofein, od kojih se amfetamin nalazi u tabeli 2 Popis psihotropnih tvari, zatim biljni materijal iz metalne kutijice (trag broj 3), sa dostavljene vage (trag broj 4) i iz pvc vrećice (trag broj 7), ukupne neto mase 11,205 grama koji sadrži psihoaktivnu supstancu tetrahidrokanabiol (THC) koja predstavlja opojnu drogu Cannabis sativa L koja se nalazi pod rednim brojem 4 iz tabele 3 Popis biljaka iz kojih se može dobiti opojna droga, te tablete dvije roze i jedna siva (trag broj 4), ukupne neto mase 1.203 grama koje, također, sadrže psihotropnu supstancu metilendioksimetamfetamin (MDMA), koja droga je pod rednim brojem 13. liste psihotropnih tvari iz tabele II „Tvari i biljke pod strogom kontrolom“, iako je znao i bio svjestan da je proizvodnja i prodaja opojne droge zabranjena zakonom, što je i htio, a koja droga je istog dana u toku realizacije Naredbe za pretres Općinskog suda u Zenici broj 43 0 K 252433 24 Kpp oduzeta od njega, a o tome mu izdata potvrda o privremenom oduzimanju predmeta broj: 08-02-08/4-272/24 od 25.10.2024. godine, dana 25.10.2024. godine na području grada Zenica, u ulici ... neovlašteno držao eksplozivnu materiju, ručnu bombu crne boje oznake ROB CT – 91, kompletirana sa upaljačem za ručnu bombu M 75 i eksplozivom, u ispravnom stanju, koja bomba je istog dana u toku realizacije Naredbe za pretres Općinskog suda u Zenici broj 43 0 K 252433 24 Kpp oduzeta od njega, a o tome mu izdata potvrda o privremenom oduzimanju predmeta broj: 08-02-08/4-272/24 od 25.10.2024. godine, iako je znao i bio svjestan da nabavka eksplozivne materije građanima nije dozvoljena, pa i pored toga istu držao, što je i htio, te dana 12.11.2024. godine, u Zenici, u haustoru zgrade Kanal broj 86, neovlašteno držao eksplozivnu materiju, ručnu bombu crno-bijele boje oznake M 93, bez detonatorske kapsule i bez eksplozivnog punjenja, u tehnički neispravnom stanju, a koja bomba je istog dana pronađena po prijavi I.N.i ista izuzeta od strane OSL PU I Zenica, u sklopu uviđaja, o čemu je sačinjen Zapisnik o uviđaju broj: 08-02-08/4-590/24 od 13.11.2024. godine, iako je znao i bio svjestan da nabavka eksplozivne materije građanima nije dozvoljena, pa i pored toga istu držao, što je i htio.

Priznanje krivnje optuženog S.E. za predmetna krivična djela u cjelosti je potkrijepljeno sadržajem navedenih dokaza iz kojih je vidljivo da je počinio radnje i prouzrokovao zakonom zabranjene posljedice, bliže opisane u dispozitivu Presude, i da je na taj način ostvario obilježja krivičnih djela počinjenih u sticaju i to Neovlaštena proizvodnja i stavljanje u promet opojnih droga“ iz člana 238. stav 1. KZ F BiH i produženo krivično djelo „Nedozvoljeno držanje oružja ili eksplozivnih materija“ iz člana 371. stav 1. KZ F BiH u vezi sa članom 55. KZ BiH, a sve u vezi sa članom 54. KZ F BiH.

Dokazi u spisu ukazuju da je kod optuženog S.E. u kritično vrijeme postojala krivnja za krivična djela koja mu se Optužbom stavljaju na teret. Naime, on je bio svjestan i znao da čineći radnje, na način kako je to bliže opisano u dispozitivu Presude, postupa protivno Zakonu a što je i htio. Dakle, bio je svjestan svojih djela i htio je njihovo izvršenje, te je postupao sa direktnim umišljajem, pa ga je stoga Sud i oglasio krivim.

Iz Izvoda kaznene evidencije vidljivo je da optuženi S.E. do sada nije bio osuđivan.

Prilikom odlučivanja o vrsti i visini krivične sankcije Sud je imao u vidu da je za krivično djelo Neovlaštena proizvodnja i stavljanje u promet opojnih droga“ iz člana 238. stav 1. KZ F BiH propisana kazna zatvora od 1 (jedne) godine do 10 (deset) godina, a za krivično djelo „Nedozvoljeno držanje oružja ili eksplozivnih materija“ iz člana 371. stav 1. KZ F BiH propisana kazna zatvora do tri godine, težinu krivičnog djela, stepen i oblik krivnje optuženog S.E.,

s tim da je na strani Optuženog Sud cijenio kao olakšavajuće okolnosti da je priznao izvršenje krivičnog djela, da se kaje, da je dao obećanje da se to više neće ponoviti, njegove lične prilike, kao i da do sada nije osuđivan, dok je od otežavajućih okolnosti Sud cijenio činjenicu da se radi o većoj količini droge kao i o eksplozivnoj materiji, tačnije ručnim bombama za koje optuženi S.E. nije imao dozvolu za posjedovanje iste, te Sud imajući u vidu navedene okolnosti očekuje da će se izrečenom kaznom zatvora ostvariti opća i individualna svrha izricanja krivičnih sankcija.

U skladu sa članom 57. KZ FBiH optuženom S.E.u u izrečenu kaznu zatvora uračunato je vrijeme koje je proveo u pritvoru u vremenu od 13.11.2024. godine od 07,35 sati do 03.12.2024. godine, a što je vidljivo iz stanja spisa.

Odluka o troškovima postupka, koji se odnose na paušal u iznosu od 100,00 KM, temelji se na odredbama člana 202.stav 4. ZKP-a F BiH, a Sud je optuženog S.E. oslobodio obaveze da Sudu naknadi troškove krivičnog postupka iz razloga što se radi o licu koje nema redovna primanja i isti je bez imovine.

Odluka o izrečenj mjeri sigurnosti oduzimanja predmetne opojne droge od optuženog S.E. temelji se na odredbi člana 238. stav 4. KZ FBiH, a kojima je propisano oduzimanje opojnih droga od lica koja je neovlašteno posjeduju i prometuju.

Odluka o izrečenj mjeri sigurnosti oduzimanja predmeta i to eksplozivnih materija, tačnije ručnih bombi, temelji se na odredbi člana 78. KZ FBiH, a kojom je propisano da predmeti koji su na bilo koji način, u cjelini ili djelimično, upotrijebljeni ili su bili namijenjeni da budu upotrijebljeni za učinjenje krivičnog djela ili koji su nastali učinjenjem krivičnog djela bit će oduzeti ako su vlasništvo učinitelja, a u konkretnom slučaju upravo se radi o predmetima koji su upotrijebljeni za izvršenje produženog krivičnog djela „Nedozvoljeno držanje oružja ili eksplozivnih materija“ iz člana 371. stav 1. KZ F BiH.

Shodno iznešenom valjalo je Sudu odlučiti kao u dispozitivu Presude.

Zapisničar
Drino Melita

Sudija
Sabrija Agić

PRAVNA POUKA:

Protiv ove Presude može se izjaviti žalba
Kantonálnom sudu u Zenici u roku od 15 dana
od dana prijema pismenog otpravka Presude.
Stranke i Branilac mogu izjaviti žalbu iz svih zakonskih
razloga.
Žalba se podnosi putem ovog Suda u tri primjerka.

¹ Krivični zakon FBiH ("Sl. novine F BiH" broj: 36/03, 37/03, 21/04, 69/04, 18/05, 42/10, 42/11, 59/14, 76/14, 46/16, 75/17 i 31/23)

¹ Zakon o krivičnom postupku F BiH ("Sl. novine F BiH" broj: 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20).